



Publicaziuns dalla vischnaunca, jamna 20

Votaziuns federalas e votaziun cantunala dils 19 da matg 2019

L'urna principala en casa communal ei aviarta sco suonda:

Dumengia, ils 19-5-2019, 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 17 da matg 2019, allas 17.00**, tier l'administraziun communal (tel. 081 920 36 36).

Levgiament da votar

Mintga votant/a ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brev dalla casa communal.

Ils cedels da votar ston esser sil pli tard la dumengia, ils 19 da matg 2019 allas 11.00 tier l'administraziun communal. Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damonda da baghegiar

2019-1019.000

Datum dalla publicaziun: 17 da matg

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: Vischnaunca Disentis/Mustér, Via Cons 2, 7180 Disentis/Mustér

Object: Formaziun nova digl areal da scola e sanaziun dils plazs avon halla Cons e la scola veglia, parcella 959, Cons Sut, 7180 Disentis/Mustér

Protestas:

Ils plans da construcziun ein deponi tier l'administraziun communal. L'envesta publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 9-5-2019

Uffeci da baghegiar Disentis/Mustér

Meglieraziun generala Disentis/Mustér

Lavurs da baghegiar 2019

El decuors digl onn 2019 vegn la construcziun dallas suandontas vias terminada:

Vias nr. 22, 23 e 25, Via Rieven,

Via Sontga Gada e Via Gassa

Via nr. 15, Via Quadras

Las suandontas vias vegnan baghegiadas uonn:

Via nr. 2, Via Casarsa

Via nr. 24, Via Fontauna

Via nr. 49, Via Tguinter

Via nr. 61, Via Siut



L'entschatta dallas lavurs per las vias nr. 24 e 49 ei previda circa la fin matg. Las lavurs per la via nr. 2 entscheivan l'entschatta uost e quellas per la via nr. 61 la secunda mesadad d'uost. Per sclariments stat il biro d'inschignier Iso Mazzetta (081 943 17 22) che ha la surviglonza da baghegiar da quellas vias bugen a disposiziun. Nus engraziain a tuts pertuccai da quellas vias per la pacienza duront il temps da baghegiar.
Cumissiuon da meglieraziun Disentis/Mustér
Walter Deplazes, president

Gesamtmelioration Disentis/Mustér

Beginn der Bauarbeiten

Im Verlauf dieses Jahres werden die Bauarbeiten der folgenden Güterstrassen abgeschlossen:

Güterstrassen Nr. 22, 23 und 25: Via Rieven,
Via Sontga Gada und Via Gassa
Güterstrasse Nr. 15, Via Quadras

Folgende Güterstrassen werden neu erstellt:

Güterstrasse Nr. 2, Via Casarsa
Güterstrasse Nr. 24, Via Fontauna
Güterstrasse Nr. 49, Via Tguinte
Güterstrasse Nr. 61, Via Siut

Baubeginn bei den Güterstrassen Nr. 24 und 49 ist ca. Ende Mai. Bei der Güterstrasse Nr. 2 werden die Arbeiten Anfang August in Angriff genommen und für die Güterstrasse Nr. 61 beginnen sie in der zweiten Hälfte August. Für Auskünfte steht das Ingenieurbüro Iso Mazzetta (081 943 17 22), das die Bauleitung für diese Strassen hat, gerne zur Verfügung. Wir danken allen Betroffenen für die Geduld während der Bauarbeiten. Meliorationskommission Disentis/Mustér
Walter Deplazes, Präsident

Via d'uual Punt da Brulf–Fontanivas Serrada dalla via

Muort las lavurs da construcziun per slargar e rinforzar la via d'uual sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis. Bien engraziament per la capientscha.
Disentis/Mustér, ils 13 da mars 2019
Uffeci forestal Disentis/Mustér

Controlla da habitonts

Mortori

Robert Caduff-Flepp, naschius igl 1. da december 1933, morts ils 10 da matg 2019.



Biblioteca populara Disentis/Mustér e contuorn

Secund di naziunal da leger avon

Mesjamna, ils 22 da matg 2019, han liug duas occurrenzas en la biblioteca populara Disentis/Mustér e contuorn:

9.00–9.30 Buchstart. Per affons pigns entochen quater onns cun lur mummas.

14.30–15.30 Kino da cudischs da maletgs. Per affons che san gia tedlar tier bein. Ti astgas prender cun tei tia mumma ni in'otra persuna che sa suentar la historia leger avon a ti ord ils cudischs dalla biblioteca. Nus selegrein sin tia viseta!

*Il team dalla biblioteca populara
Disentis/Mustér e contuorn*

Fiasta dil vitg Mustér – Dorffest Disentis

17 d'uost 2019

Essas Vus interessai da far sez in stan ni da segidar sco voluntari? Bugen prendein nus encunter Voss'annunzia tochen ils 31 da matg. fiastadilvitg@vivadisentis.ch 076 566 63 76

Möchten Sie selber einen Stand betreiben oder als freiwilliger Helfer dabei sein? Gerne nehmen wir Ihre Anmeldung bis 31. Mai entgegen. dorffest@vivadisentis.ch / 076 566 63 76

Seniora-Ca e Puntreis

Gievgia, ils 23-5-2019 – Meisa da miezdi organisada da Seniora-Ca e Puntreis

Entschatta: allas 12.15 en Puntreis. Gentar cun treis tratgas inclusiv 3 dl aua dalla spina ed in caffè.

Annunzia entochen allas 9.00 dil di alla Puntreis (tel. 081 929 56 56). La meisa da miezdi ei aviarta per mintgin/a. Silsuentar ha il cussegl pastoral organisau da far ina viseta al sanctuari, dedicaus a Nossadunna dalla Glisch sin il crest d'Acladira sur il vitg da Trun. Partenza allas 13.30 (halla Cons). Annunziar entochen mardis, ils 21 da matg 2019 tier Jacinta Jacomet (tel. 081 947 40 20) ni Lorenzia Schnoz (tel. 081 947 58 27).

Post d'informaziun Seniora-Ca

Reiver el Curtin medelin

Il Curtin da reiver ellas Ruinas ei aviarts era enqual di las fin d'jamnas. Ils proxims termins ein:

ils 31 da matg, ils 10 e 22 da zercladur 2019 13.30–ca. 16.30

Ulteriurs datums vegnan actualisai sin www.muntognas.ch. Annunzias ein da far entochen la sera avon allas 17.00 sut info@muntognas.ch ni tel. 079 631 02 75.

Societad da tir Desertina

Tir obligatori a Sedrun la Resgia

Anceinza, ils **30-5-2019**, 19.00–20.00

Gliendisdis Tschuncheismas, **10-6-2019**, 18.00–20.00

Cordialmein envida *la suprastonza*